

317.9

P R O
BENEDICTO XIV.
AD SUPREMUM PONTIFICATUM
E V E C T O
O R A T I O

QUAM BONONIÆ HABUIT KAL. SEPTEMB.

D. PETRUS GRATIOLIUS



Cong. S. PAULI vulgo Barnabitarum
in ea Urbe Præpositus.

BENEDICTO XIV.

P. O. M.

OMNIUM VOTIS FORTUNATISSIMO

D. Petrus Gratiolius Cong. S. Pauli

PERPETUAM FELICITATEM.



D Thermas Porrectanas cum
essem, B. P., faustissimusque ille maximi ho-
noris tui nuntius per Etruriz montes ce-
lerrime penetravisset: sive quod in eo, domi-
cilio versarer, quod hospitio Tui, aliquot
A 2 ante

ante annos honestatum fuisse scirem: sive quod superiori die nonnulli, qui me convenerant, multa, ut sit, de singulari ibidem benignitate, ac facilitate tua memoravissent: sive demum quod eximiam tuam in Ordinem nostrum clementiam, tum maxime temporis, mecum ipse perpenderem; tanta certe, ac tam vehementi lætitia perfusus sum, ut eam cohiberi cum nullo modo posse cognoscerem: pauca meditatus, & quodam quasi æstro correptus, statim me ad scribendum contuli, primamque hujus, quam ad Te dare audeo, Orationis partem, ea ipsa die composui, quam deinde Bononiam festinato redux, confectam, absolutamque, in publica concione pronuntiare decrevi: tenue quidem meritorum in nos tuorum argumentum, sed illud maximum, quod ex mea proficisci imbecillitate posse sentirem. Quod quidem ita, B. P., a Te accipi supplex, & ad genua provolutus exoro, ut cum excellentissimæ omnium dignitatis Tibi gratulationem præbere moliti sumus: veniam quoque sperandam fuisse nobis intelligas, quod neque supparem beneficiis tuis præclarissimis, animi significationem, neque satis ornatam, atque magnificam pro dignitate lucubrationem, exhiberi

beri potuisse cognosceremus. Verum de tua illa prorsus divina in omne genus hominum comitate nobis maxime sperandum fuit, quam alias experti fuissetus; mihi quidem fauste ominandum, quem Tu ad rem Bononiensem illustrandam cohortatus esses, Tu inquam, ornamentum ejus rei excellentissimum, & omnium sæculorum monumentis celebrandum. Quando enim, si antiquorum scriptorum inopia, si rerum, ac virium mearum conditione, ac tenuitate, minus pervadi vetustatem posse doleo: illud maxime lætor ex me prodisse laudum tuarum, quod quanquam exiguum, ac longe impar: qualecunque tamen ad commendandam Posteris tui nominis immortalitatem, argumentum esse posse videatur. Verum non ita Rerum Tuarum præconia; me, B. P., ac studia mea abripiunt, ut nullam sibi partem vindicet indagatio antiquitatum. In hoc certe studiorum genere neglecto ferme, ac prætermisso, Instauratorem Te, ac Suaforem me habuisse gloriabor; & si quid oculis tuis non indignum (quod tamen e mea facultate vix esse sperandum video) tandem aliquando compegerim, pedibus tuis sistam; sin minus operis præstantia bonum, at cohortatio-

tationum tuarum suafione non improbandum.
Interea dum levissimum hoc munusculum of-
fero, ne me pedum tuorum osculo beare re-
nuas, ac Te ipsum tandiu felicissimum, ac
beatissimum serves, quandiu Christianus Or-
bis incolumem se, ac florentem esse desidera-
verit.

PRO

86

1

PRO BENEDICTO XIV.

Ad Supremum Pontificatum euecto

ORATIO.



I quid unquam fuit, quod Romana Urbi fortunatissima, quod Italia exultanti, quod Christiana Reipublice Provinciis optimis, Regnisque omnibus copiosissimis, quod Principibus Viris amplissimis, quod potentissimis Regibus summo esset jure latandum; illud profecto maximum est, quod immortalis Largitoris Dei munificentia, in tanto praeitarum rerum squallore, ac luctu, post effusissimas omnium Ordinum preces, supplicationesque non intermissas, post tam durum desiderium, ac dubiam expectationem, Prosperum tandem de Lambertinis, BENEDICTUM, recenti nomine XIV. ROMANUM PONTIFICEM, rerum omnium terrenarum, ac celestium Moderatorem, munus omnium praeclarissimum, Christianus Orbis accepit. Cujus quidem tam ingentis latitiae quantam sibi partem Urbs hac ipsa vindicet, is unus ignorat, qui non eam, & ejus, quem Civem suum genuit Parentem, & quem Sacrorum Antistitem habuit, Alumnam quasi, ac Filiam, & quem in praesens Dominum auspicatur clementissimum, famulam haud scio, an Clientem dixerim, se facile recordari intelligat. *Que*

A 4

cer-

certe etsi minus consideranti perspecta essent, nimium equidem hilaritatis illa, & publica voluptatis argumenta prodirent, quibus non fora modo, ac templa, uniuersasque Nobilium, ac Civium domos, verum etiam compita, pagos, ac municipia, agrosque omnes, & ut ita dicam, parietes ipsos gestientes undique, & collucentes ipsi perspeximus. Verum non tantum est felicissima huius hilaritatis exhaustum, quantum nemo, etsi tenuis, exiguaeque facultatis homo, satis praeberere non possit. Ego sane, qui neque ingenio, neque industria, neque exercitatione, illud mihi videar indicendo consecutus, quod in tanta oporteat rei dignitate, in tam profusa latitia, in tam frequenti Eruditorum Virorum, quales vos estis, concione proferri; non is tamen sum, qui praeclaram adeo, ac prorsus diuinitus oblatam publica gratulandi opportunisatam sine ullo orationis genere praeterire possim. Quis enim nisi rudis, ac prorsus illiberalis homo eximia negligat humanitatis, benevolentia, clementia singularis, a prima aetate in modicum hunc Ordinem argumenta, privatim quidem multa; ea tamen, quae nisi palam augere beneficiis, nisi publicis exornare laudibus, identidem decreuisset, quanquam nobis summa essent, eximia tamen ejus munificentia non satis cumulata esse, videbantur. Sunt haec tam praeclara certe, atque immortalia, tum apud nos, qui fortunatissima ejus praesentia fruebamur, tum apud uniuersum Ordinem nostrum merita, ut si quid ornari studiose, si quid eloqui magnifice possit (atque utinam satis, & pro dignitate possit) illud aut nisi meditetur, stupidi sumus, aut nisi moliamur, ingrati. Quamobrem rogo vos, obsecroque, ut hanc qualemcunque obsequentis, gra-

gratque animi testificationem, latantis, atque exultantis, gratulationem, quam quidem utriusque, quod in hac Urbe Congregatio nostra habet, Domicilii nomine, sacratam Numini, Majestatique ejus, vovemus dedicamusque, ea vos quoque humanitate excipiat, quam ipse, credo, dicentem, e summo illo honorum fastigio, si presentem alloqui fas esset, facile tamen, & clementissime pateretur.

Illud tamen, illud est, quod Benedicto XIV. primum oporteat gratulari; eam scilicet ad summam amplitudinem, viam percurrisse, qua plena honestatis est, plena laudis, solidaque gloria. Credo enim illud a primis annis memoria combibisse, quod Athenis fuisse perlegerat historia amantissimus Adolescens, aditum nempe nonnisi e Minerva Templo, in Honori Fanum patuisse, quo disceret sine scientiarum, ac bonarum artium cultu, neminem posse, nisi arreptitiam commendationem adipisci.

Itaque non is ad honores irrepsit, aut officiis Virorum Principum, aut favore illustrium Cognatorum, aut commendatione fumasarum imaginum, quarum certe amulari famam a prima aetate constituit. Profecto si generis eximii nobilitatem intueamur, illud tam praeclarum est, quam quodlibet historia pradicent. Pleni sunt Scriptorum libri, plena volumina Lambertinorum gestis, tam magnam Bononiensium Annalium partem Lambertinorum gens tenet, quantam requirere nemo possit.

Verum, non haec tibi Pontifex O. M. ad honoris apicem via. Illis sint quibus & tardius ingenium ad cognoscendum, & judicium ad distinguendum obliquius, & lentius consilium ad decernendum. His illi se fulcris sustentent, his se comestibus instruant ad arduum illud gloria iter capeffendum. Sed Tu cujus, & mens
ad

ad capiendum amplissima, & acies ad discernendum certissima, & promptissima deliberatio ad agendum, studiis Te optimarum facultatum imbuere, his auxiliis ad honorem munire, his gradibus ascendere decrevisti: Quapropter eloquentiam excolere, eruditionem investigare, divinitatem pervadere, humanum, ac divinum jus omne excutere, quæ prima fuere ætatis tuæ studia, eadem erunt suprema.

Hæc hæc fuit divina illa Sapiencia, quam Roma ipsa plena rerum omnium studiis, plena omnigena eruditionis, caelestis, terrenaque doctrina non modo plena, sed prope exuberans, atque redundans; sic tamen oculos perstrinxit omnium, sic omnium implevit ora, ut de Te nonnisi perhonorifice, ac splendidissime boni omnes, atque doctissimi colloquerentur. Demens si hæc verbis amplificare, magnificare vocibus, aut eloquentia illustrare ornamentis velim. Sint hæc ubi laudis argumenta desint Tulliana artes, blandimenta aurium, & illicia animorum. Verum ubi & scripta abs Te privatim, ac publice profecta, & spissa volumina crebris typis procusa, numero tam multa sunt, præstantia tam excellentia, omnium studiis, tam pervagata, quid aliud jam unum superest, nisi ut una piorum omnium voce, uno eorum, qui rite sentiunt, ac probe, & sapienter intelligunt iudicio, atque consensu, immortales tibi gratias habeamus, quod certissimam ad summos honores viam, positus ipse in celsissimo culmine, ceteris indices omnibus, qui aliquid honesti avenue, summamque illam, & qua tibi assidet Sapienciam immortalem ostentes, cuius illecti desiderio, & spe capti solida immortalitatis, vestigia scrutari tuæ, aut si tantum audiant,

deant, eadem persequi diligenter insistant.

Hic tibi ad honores aditus, hac via ad maximam dignitates. Hoc totum quantumcunque est, quod certe maximum est, totum est, inquam tuum. Nihil ex ista laude sibi detrahit familia nomen, nihil cognatio sanguinis poscit, nihil Majorum merita efflagitant, nihil studia vindicant Amicorum; propterea ut Solis instar tua ipse luce fulgeas, illustresque Orbem, cui modo praes, jubare nitidissimo: cujus utinam, Sol unice, ac fulgidissime, sic tenebras non ignavia modo, atque ignorantis discutias, sed nequitia item, atque erroris; ut irradiata per Te gentes omnes, illustrataque, ea tandem potiantur beatissima tempestate, qua uno Religionis ritu, una divinorum fide, Homines in unum vinciat populorum omnium, atque nationum. Quod si postremam terreno Orbi imminere diem, inferaque huic, ac supera rerum compagini dissolutionem unitas illa pretendat: O Homines felicissimos, quibus Restore Te, Orbis deerit, ac omne fluxerit, quod est aliquando fluxurum!

Verum non quemadmodum honores ceperis, sed quemadmodum gesseris, multo est ad eloquendum magnificentius argumentum. Hic enim, hic loci est ubi se magna illa, ac praeclara virtutes prodere, & quasi ostentare gestiunt, qua Te nobilissimo comitatu, ad hunc usque, quem scandis maxima omnium dignitatis locum, stipasse Te, ac deduxisse bilares quodammodo gloriantur. Quarum certe si tibi, & miram illam frequentiam, & excellentiam singularem, tam perspicere, tam lustrare fas esset, quam tibi concessum est, qui beatissimo earum consortio, atque intuitu frueris, nulla orationis facultas esset, nulla vis eloquentia, qua
 non

non dicam exornare, sed ne recensere quidem veram a Te gestarum partem aliquam satis posset.

Tu vales unus, & miram in capiendo sollicitudinem, & in agendo assiduitatem, & in secernendo diligentiam, & in conficiendo celeritatem, edicere, ac promulgare. Tu eam persequi, quam nihil fallere prudentiam, quam nihil inflectere iustitiam, quam nihil allicere temperantiam, quam nihil minuire benignitatem potes. O praelaram, si eloqui velis, in colendo Deo pietatem, sine simulatione; in profundendis opibus liberalitatem, sine iactantia; in regendis hominibus maiestatem sine arrogantia; in administrandis negotiis, & sine festinatione diligentiam, & sine tarditate gravitatem! Hac Hac illa sunt Pontifex Optime Maxime, quorum nisi nos eloquio beare per Te ipsum velis, spem omnem lusimus persequendi copiam, aut amplitudinem gestorum tuorum.

Verum illud maximum, illud excellentissimum, illud omnium saeculorum admiratione celebrandum; in tam opima recte gestorum segete, in ditissima immortalium rerum copia, in uberrima virtutum omnium fertilitate, cum semper Tibi visum esse, cum videri, cui nihil illustre insit, nihil rarum, nihil pretiosum; propterea ut ne, credo, si te iactare, si gloriari velles, id tu scires quidem, quem pretium fugit ipsum Virtutum tuarum, quoniam praestantiam semper, non avaram, non laudem coluisti recte faكتورum.

Sine quaeso Pater Optime, atque Sanctissima, in hoc spatiosissimo laudum tuarum freto paulo latius orationem nostram velificare; siquidem nec tibi superbiendi facultas suppetit neque nobis periculum imminet assentandi. Loquimur enim non quae praestant a nobis, sed

sed quæ prope nos acta, non clam patrata, sed coram, non per aures hominum excepta, aut per ora hominum diffusa, sed in omnium oculis gesta, in omnium conspectu vulgata. Hominem enim excellenti ingenio pollere, facili eloquio fluere, sapientia fulgere dexteritate præstare, dignitate eminere, probitate splendescere, hoc excelsum est, hoc sublime, hoc immortale: Verum in admirabili sapientia, in summa dignitate, in excellentissima probitate, sibi nibili esse, neminem temnere, nil propriis viribus arrogare, facilem se cunctis præbere, ceteris iudicium deferre: hoc mihi instar monstri est, hoc inauditum, hoc prodigiosum, hoc Deo simillimum iudico.

Itaque celebrabuntur illæ quidem, Benedicte XIV. rerum a te gestarum laudes non solum nostris, sed pene omnium gentium litteris, atque linguis, neque de locupletata operibus disertissimis eruditione, de communita firmissimis legibus disciplina, de honestata adificiis ingentibus Civitate, de aucta ornamentis optimis Arisque sanctissimis Religione, ulla unquam ætas nostrorum Civium, ulla unquam vetustas temporis conticecet. At vero quod & infimos complexus fueris, & vulgares adamaveris, & ineruditos insitueris, quod mediocris ingenii homines foveris Homo in tam eminenti fortune loco positus, Vir omnium, sine invidia, sapientissimus; Quod me ipsum [eo argumentorum utar quod in hoc dicendi genere est maximum] quod me, inquam ipsum tam humaniter exceperis, quod me, quem aliqua in eruditionem propensione duci intelligeres, crebro ad Bononiensem antiquitatem illustrandam sis cohortatus, lapidem non tam monumentorum egestate, quam mea potissimum imbecillita.

lisate, ad versandum quam difficillimum; Quod qua vulgaturus esses scripta pulcherrima aliorum censura, & castigationi subjeceris, duos vero inter ceteros mei Ordinis Viros, disertos eos quidem, sed qui tecum non sane certent, Censores tibi atque Aristarchos decreveris; Quod ea in Congregationem nostram, humile genus hominum caritate, ea semper clementia fueris: prodigia sunt ista comitatis, facilitatis, modestia tua, qua credo etsi procul gesta, etsi filia essent, eo tamen studio animos omnium incēderent, ut te diligerent maxime, quem nunquam vidissent. Te vero, quem tandem praesentem intuiti sumus, cujus mentem, sensusque, & os crevimus, cujus verba audivimus, cujus gesta mirati sumus, quibus laudibus efferemus? quibus studiis prosequemur? qua benevolentia complectemur? cum illi ipsi, ad quos tantum fama tui nominis peragravit, se abrupi sentiens amore tui, & magnis ad te in calos erubendum stimulis excitari.

Jam enim mihi audire videor omnium gentium voces, omnium plausus Provinciarum, mibique obstrepit vis illa prorsus incredibilis latitia, qua Regna omnia, accepto honoris tibi divinitus conlati nuncio, longe lateque ad extremos usque Christiana ditionis fines, mirabili celeritate penetravit. Illa enim sibi eam vivere tempestatem gratulantur felicissimam, qua te Christianarum rerum Moderatore Pax regnet, Pietas ferveat, Vitium exulet, Justitia vigeat, Copia exuberet, Inopia abscedat; qua demum sibi prospera, & fausta omnia, omnia beatissima, divina omnia jure ac merito polliceantur. Jam enim oppressa calamitatibus Italia respirat, ac primariam opperit Romanorum temporum majestatem. Afflusa bellis Germania, non
ad

ad pristinos fines modo Turcarum gentem, sed ad multo arctiores proficetur validissime coercendam. Florentissima rerum Gallia recuperanda iterum Hierusalem gloria studio flagrare se sentis. Copiosissima opum Hispania in opposita Maurorum littora instructissimis classibus minitur. Quid de Lusitania dicam distissima? Quid de fortissima Polonia? Quid demum de ceteris, in quibus Christiana res viget Regnis omnibus, atque ditionibus? Profecto quantum ad omnium Prætorum Pontificum gloriam, amplitudine, ac dignitate accessisse te vident, quantum & multorum ex his virtutem emulaturum Te esse sentiens, & nonnullorum felicitatem longe victurum; tantum omnes intelligunt cum uberiori bonorum copia sibi esse potiundum, tum multo in dies suaviori voluptate exultandum.

Qua cum ita sint, Benedicte XIV. omnium bonum Beatissime, gaude jam tuo isto tam excellenti bono, & frui, cum maiestate, & gloria celsissimi honoris, tum natura maxime, & moribus tuis. Quoties Te felicissimum videris, & omnium obsequiis cultissimum, omnium laudibus ornatissimum, toties in eximiam illam pietatem, in divinam sapientiam, in incredibilem virtutem intueberis, fontem non modo vera, sed summa felicitatis. De nobis quoties cogitabis, toties de maximis tuis beneficiis, toties de effusissima liberalitate, de singulari providentia tua cogitabis, qua nobis non modo summa bona, sed sola esse possunt. Te itaque perpetuum sospites Deus Optimus Maximus, ac tandiu in summo isto culmine incolumem servet, quandiu Te illius adscensu dignissimum præbueris. Tibi Parens ille adsit æternus, atque omnipotens;

bo.

bonorum Auctor omnium, Largitor munificus, incomparabilis, ex quo Tu munus omnium liberalissimum cuncto hominum generi prodisti. Te Filius ille fortunet Parentis supremi Soboles, divina mentis Eloquium, Servator Orbis sapientissimus, humanique generis Restitutor, qui Te omnium Virorum sapientissimum, condita a se Religionis Principem esse decrevit. Te Spiritus demum ille dirigat aeternum Flamen, cordium Amor, ac mentium Arbiter, qui certe unus in tanto animorum dissidio, in tam longa concertatione, Purpuratorum Patrum mentes tam ante disjungtas, continuo tamen, tam arte conjunxit, ut omnium vota, in Te delictum hominum, atque omnium, qui Te probe norunt, amorem; suavissime conspirarent.

Atque hic, Pater Optime, & Sanctissime, vela contraho orationis mea, & me in portum victus fractusque recipio. Tempus decrit, si quantum de Te dici possit verbis complecti velim. Multa malim silentio prateriri, quam incondito orationis genere, minus honeste, ac pro dignitate tractari.

Unum restat, Auditores, ut quas immortales habemus Omnipotenti Deo, eadem quantum magnifice fieri possit, maxime, ac solemnes agantur; quæ dum Ministrorum devotissima voce, celebrique instrumentorum concentu perficiuntur, vos vota nostra pro tam divini Pontificis felicitate, atque immortalitate, precum item vestrarum accessione cumulate.

D I C E B A M.

BONONIÆ ex Typographia Laurentii Martelli. 1740.
Superiorum facultate.